

疑似辨證卷下

吳寧栗齋韋佩寬輯

發熱風熱內外辨

晝熱夜靜病在氣分小柴胡加梔連知母骨皮晝靜夜  
熱病在血分四物湯加知柏連梔柴丹皮日夜俱熱病  
在血氣四物小柴胡加梔連丹皮治無汗骨蒸地骨治  
有汗骨蒸  
內傷發熱氣口脉盛飲食傷二陳湯加查麴麥勞倦傷

補中益氣湯外邪加羌活房勞加知柏陰虛脉數四物  
加知芩氣虛脉大用四君骨蒸勞熱逍遙散潮熱用黃  
芩午加川連未加石膏申加柴胡酉加升麻辰戌加羌  
活夜加當歸

外感風熱人迎脈盛無汗惡寒麻黃湯有汗惡風桂枝  
湯暴感風寒參蘇飲大熱譫語芩連柏梔爲主藥

自汗盜汗陰陽辨

陽虛自汗黃耆建中湯陰虛盜汗四物加知柏虛火自汗涼膈散痰症自汗二陳加芩朮星貝惟心孔有汗由思慮過多所致四君四物去芎加連麥棗陳用辰砂研細臨服調入

消渴消穀腎消辨

消渴方中牛乳代以人乳尤佳或消穀善飢能食肌瘦不甚渴便數曰消中白虎湯便閉調胃承氣湯若腿膝

枯細骨節痠痛飲而隨溺稠濁如膏曰腎消清心蓮子  
飲若強中消渴猪腎薺苳湯惟時氣消渴生藕汁生蜜  
各一盞調勻服

各經嘔吐辨

食卽吐爲熱脉數二陳加芩連停久吐爲寒理中湯加  
法夏木香胃虛不納食脉微六君加香砂飲食傷胃而  
吐二陳枳朮香砂停食不化而吐保和丸



食物下喉卽吐爲腎虛六味地黃丸見食卽吐是胃經  
紅棗去核二兩胡椒二錢紙包煨過煎湯服食後少頃  
吐胃脘有蟲白馬尿飲一二升極效嘔物不化係大腸  
黃糖酒藥陳壁土煮湯服嘔清水是膽經生姜甘草煎  
湯服欲嘔不嘔係小腸楓樹皮甘草煎服口吐白沫欲  
嘔不出是膀胱綠豆糯米鹽全炒擣過加黃糖煎服欲  
吐不吐面紅流淚是三焦生藕汁柿蒂鳳凰衣煎服神

效若時疫嘔吐調胃承氣湯

反胃虛實寒熱辨

脉宜浮緩忌沉濇氣血虛王道無憂散四君去參四物  
二陳加香砂二冬知芩枳枳二苓赤芍烏藥黃柏木通  
研細服

食入反吐爲虛寒氣虛脉弱參苓白朮散血虛脉數無  
力四物加知柏竹瀝姜汁胃火不停食爲實熱脈數有

力二陳加梔連竹瀝痰阻脉滑二陳加枳蘘惟時行反  
胃調胃承氣湯

噎食痰火瘀血辨新石灰三錢大黃一錢酒煎服

因痰噎者脉滑化痰丸因火者脉數大桔梗湯加竹茹  
因憂鬱脉沉澹四七湯因瘀血脉芤澀桃仁承氣湯

惡心寒熱辨

欲嘔不嘔無聲無物心中兀兀

凡食寒受寒惡心不渴脉遲理中湯加法夏若胃熱嘔

噦脈浮大滑數二陳湯加梔連姜汁炒或食積發熱頭  
痛二陳加查麴麥蒼枳藿連香附梔

吞酸吐酸遲數辨

吐清水二朮陳苓滑石

吞酸脈沉遲弦滑二陳萊連麴苓朮食不化平胃散麴  
麥查吐酸脈洪數二陳左金丸梔姜蒼樸惟時行宜瀉  
呃逆寒熱辨

又見前時疫

有痰星夏陳皮有火梔黛膏連病後呃元氣虛人參理



中湯胃逆呃燥渴脉洪大橘皮竹茹湯陰虛火動呃從  
臍下起夜更甚四物加知柏陳苓胃寒丁香柿蒂湯氣  
從胸起小半夏加茯苓湯痢後呃六君理中湯又婦人  
噯出氣心頭略寬不噯卽緊香附蘇子檳薑青荻枳梔  
連若時行呃調胃承氣湯

痞滿積滯辨

脉宜滑忌瀉實用川樸枳實虛用芍藥陳皮熱用川連

法夏寒用附子乾姜有中氣不足痞滿者脈弱補中益  
氣湯食積二陳加麥麴查濕熱黃連瀉心湯加萸仁痰  
滯者導痰湯按之痛者枳實消痞丸惟時疫痞滿大小  
承氣湯

哮喘有痰無痰辨

脈宜浮滑忌瀋寒喘麻黃杏仁熱喘芩訶桑皮溼喘水  
停心下葶藶皂角白礬風加南星附片燥喘阿膠五味

二冬虛喘氣短參芪歸熟五味草喘無痰聲蘇子降氣  
湯不得臥加參喘有痰聲導痰湯火喘二陳加枳桔或  
四物加知柏抬肩擷肚係胃虛生脈散加阿膠陳皮朮  
哮喘定喘湯七情鬱四磨湯若天行哮喘宜瀉藥或喉  
中作水雞聲白前三錢煎服氣虛者忌

吐血鼻血瀉血辨

吐血脈宜沉小忌實大暴吐大黃桃仁久吐當歸川芎

吐出血四生丸咯出血塊血絲二地芩連地骨門冬  
芩芍杞草或用當歸艾葉前胡醋水煎服大效

鼻血脈宜沉小忌浮大枯芩赤芍爲主藥用犀角地黃  
湯加芩連梔止血京墨韭汁用丹參歸尾加童便尤驗  
大便下血黑歸脾加龜板用煨大蒜淡豆豉丸服立愈  
小便尿血小蘗飲用烏梅燒灰醋丸服神效

諸氣勞傷怒厥辨



諸氣脈宜浮緊忌虛弱氣脫重用參芪氣虛益氣聰明  
湯勞作傷氣補中益氣湯氣急脈細十全大補湯氣實  
火動四七湯氣寒理中湯怒氣厥亡四磨湯加枳壳

痰飲風熱寒溼辨

脈宜弦滑結痰貝萆枳實老痰用浮海石

熱痰多煩熱二陳加芩連石膏風痰癱瘓加蠶星前壳  
寒痰成骨痺重用法夏加烏附細辛濕痰多倦怠加二

水礪星驚痰成癲病加辰砂銀器煎飲痰脇臂痛加黑  
丑牙皂白礬樸硝食積痰成痞塊加靈脂麴麥查吐水  
泄瀉滾痰丸沉重痰注加姜汁竹瀝礪瘰癧腫加炒芥  
子若時行風痰大承氣湯

虛損勞動內傷辨

脈宜弦緊忌小弱用八珍湯補陽芪附子補陰歸熟地  
勞動損元氣補中益氣湯頭痛加芎蔓汗多去升柴加

棗仁有痰加貝前房勞傷人參養榮湯陽脫烏附雄飲  
酒傷葛花解醒湯過食傷保和丸虛人受疫調胃承氣  
癆瘵吐血肺痿辨

脈宜細弱忌弦數痰嗽嘶聲竹瀝童便爲主藥勞嗽吐  
血大小薊茅茜根棕皮丹皮柏葉薄荷煨爲末京墨磨  
半盞調灰五錢食後下久嗽肺痿紫苑湯加二冬歸地  
杏仁骨蒸虛熱參芪歸朮加二地二冬二芍二苓知柏

骨皮陳草勞嗽肺痿杏仁柿霜研細入白蜜煮肺食咳  
嗽虛極參苓平胃散入大棗肉再入白鴨腹內酒蒸食  
凡虛癆人染時疫勿瀉

鼓脹虛實寬急辨

脈宜浮大忌虛小體寒腹大鷓鴣煨爲末存性米飲下  
立愈實脹按之堅痛取利後便服補藥蓄血脹桃仁承  
氣湯食積脹木香檳榔丸虛脹朝寬暮急四物加樸梔



丹暮寬朝急四君去草加陳樸夏腹皮朝暮俱急四物  
四君去地草加陳樸凡瘦人脹是火樸芍川連香附肥  
人脹是濕平胃散治一切鼓脹女貞檳榔各八兩蒼朮  
木通防己各二兩赤豆四兩沉香二錢共炒研和丸用  
通草路路通煎水下忌魚腥油膩補食發物

水腫陰陽十腫辨

脈宜浮大忌沉細苓澤爲主若脈沉屬腎虛二足陰囊